

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat (Akileraarutitigut nalikilliliisarnermi killiliinerit aamma ingerlatseqatigiiffit kisermaassinissamut akuersissuteqarfingineqarsimasut ilaannut piginneqatigiiffit akileraarutaannik appaaneq)

§ 1.

Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi, kingullermik Inatsisartut inatsisaatigut nr. 6, 31. maj 2001-imeersukkut allanngortinneqartumi makku allanngutigitinneqarput:

1. § 13-ip kingornanut ilanngunneqassaaq:

"**13 a.** Selskabit il.il. aningaasarsianit akileraarutit pillugit inatsimmi § 17, imm. 1, nr. 1-imi nalikillilerneqarsinnaasutut taasanut attuumassuteqartumut nalikilliliisinnaanermut nalunaarummi pigisatut nalilinnik taaneqartunik annerpaamik akileraarutitigut nalikilliliisinnaapput tassani imm. 2-mi nalikillilerneqarsinnaasut angeqqataannik, aammalu selskabip naatsorsuutimini akileraarutit ilanngaatiginagit sinneqartooraata affaanut naapertuuttumik ilasamik, taamaattorli imm. 2-mi aammalu 5-imi taasatut akileraarutitigut nalikilliliisoqareernerinut naapertuuttunik.

Imm. 2. Ukiunut ataasiakkaanut akileraarutitigut nalikilliliissutit annerpaamik nalinut ukununnga naapertuutissapput:

- Iluutit atortullu ikkussorneqarsimasut pissarsiarinerani nalingisa ukiumut 5%-ii angullugit nalikillilerneqarsinnaapput.
- Umiarsuit timmisartullu pissarsiarinerani nalingisa ukiumut 10%-ii angullugit nalikillilerneqarsinnaapput.
- Nalikillilerneqarsinnaasunut allanut aningaasartuutit il.il. aammalu ingerlatsinermut atortut, pequtit pissarsiarinerani nalingi aammalu pigisanut piffissami killilimmi pisinnaatitaaffinnut akiliutinut il.il. 30%-ii angullugit nalikillilerneqarsinnaapput, ukiup aningaasarsiorfiusup naanerani pigisap nalikillilerneqarsinnaasup nalinganit tunngaveqartumik.

d) Pigisanut imm. c-mi taaneqartunut aningaasartuutit imaluunniit pissarsiarinerani nalit 100.000 kr.-iuppata taakkualuunniit ataallugit naleqarpata 100%-ii angullugit nalikillilerneqarsinnaapput.

Imm. 3. Selskabit immikkoortuni c-mi aamma d-mi pigisatut nalikillilerneqarsinnaasatut taaneqartunut pigisallit, nalikillilerneqarsinnaasunut aningaasartuutinik aammalu pigisanut nalilinnut il.il. kontomik

ataatsimut naatsorsuiffiusussamik naatsorsuuteqassapput. Ukiup nalikilliliissutit ukiup aningaaasarsiorfiusup naanerani nalikillilerneqarsinnaasup nalinga tunngavigalugu nalikilliliissutigineqartassapput. Naliusoq taanna ukiup aallartinnerani naliusup nalikilliliissutaasinnaasutut aningaaasartuutinik imaluunniit ingerlatsinermut atortut il.il. pissarsiarinerani nalinginik ilallugit naatsorsorneqartassapput, taakku ukiumi aningaaasarsiorfiusumi pissarsiarineqarsimappata, aammaluk ukiumi ingerlatsinermut atortut il.il. ukiumi aningaaasarsiorfiusumi tuninerini nalinginik kiisalu imm. d naapertorlugu nalikilliliissutaasunik ilanngaateqartillugit. Pitsangorsaatinut aningaaasartuutit pissarsinermi naliusutut suliarineqartassapput. Ukiup aallartinnerani naliusoq tassaavoq ingerlatsinermut atortut il.il. ukiuni siusinnerusuni pissarsiarinerisa nalingi aammaluk aningaaasartuutit nalikilliliissutinik ilanngareerlugit nalingat.

Imm. 4. Immikkoortuni c-mi aamma d-imi pigisanik taaneqartunik tunisinikkut naliusut nalikilliliissutigineqarsinnaasup sinnera qimmussimappassuk nikingassut, ukiumi aningaaasarsiorfiusumi tassani isertitatut ilanngunneqassaaq.

Imm. 5. Imm. 1-mi maleruagassaq naapertunngikkaluarlugu selskabit il.il. taamaattoq akileraarutitigut nalikilliliisinnapput, pigisap nalikillilerneqarsinnaasup imm. a-mi aamma b-mi pineqartup tuninerani akileraarutitigut iluanaarutigineqarnerata naleqqataanik. Selskabip il.il. tamatuma kingorna aningaaasarsiai akileraaruteqaataasussat amigartoorteqartumik angusaqarfiuppat taava akileraarutitigut nalikilliliinerit amigartoortaasup nalinganut naapertuuttumik annikillilerneqassapput."

2. § 13 a-p kingornanut ilanngunneqassaaq:

"13 b. Inuup § 1, imm. 1, nr. 1 aamma 2 naapertorlugu akileraartussaatitaasup akileraarutitigut nalikilliliissutigisinhaasaasa annerpaaffigisinhaavaat namminersorluni inuussutissarsiuteqarnikkut aningaaasarsiaasa amerlaqataat."

3. §21 b atorunnaarsinneqarpoq.

4. § 26 a-mi nutaatut *imm. 2-tut* ilanngunneqassaaq:

"Imm. 2. Selskabit, Kalaallit Nunaanni atortussiassat aatsitassanit il.il. pisut pillugit inatsit naapertorlugu misissuinissaminut imaluunniit atuisinnaanissaminut akuersissuteqartut, imaluunniit sermip erngullu avammut nioqqutissatut atorneqarnissaanut pillugit Inatsisartut inatsisaat naapertorlugu akuersissuteqartut, aningaaasarsianik akileraarusigassat 30 pct.-iinik piginneqatigiifft akileraarutaannik akiliisassapput,

§ 2.

Inatsisartut inatsisaat 15. november 2001 aallarnerfigalugu atuutilersinneqassaaq.

Imm. 2. § 1, nr. 1 aamma 2 ukioq aningaaasarsiorfiusoq 2001 aallarnerfigalugu atortuulissapput.

Imm. 3. Selskabinut il.il. ukiumi aningaaasarsiorfiusumi 2001-imi nikingasumik ukiumik ani ngaasarsiorfeqartunut, naatsorsuusiorfissaq 31. august 2001-imut siusinnerusumulluunniit killilerneqarsimappat, taava inatsit ukioq aningaaasarsiorfiusoq 2002-imiit atortuulersinneqassaaq. Selskabinut il.il. taakkununnga § 21 b aatsaat atorunnaarsinneqassaaq ukioq aningaaasarsiorfiusoq 2002 aallarnerfigalugu

Imm. 4. § 1, nr. 3 ukioq aningaaasarsiorfiusoq 2001 aallarnerfigalugu atorunnaarsinneqassaaq, taamaattorli takuuk imm. 3-imi oqaaseqatigiit aappaat.

Imm. 5. Selskabit il.il. ukiumut aningaaasarsiorfiusumut 2001-imut isertitanik naatsorsuusiornerat aallarnerfigalugu ukiup 2000-ip naanerani pigisat ataasiakkaat nalikillilerneqarsinnaasut nalinginik

immikkoortiterillutik naatsorsuusiussapput, taakkua § 13 a, imm. 2-mi, imm. a-mi aamma b-mi killissaritat malillugit, aammalu imm. c naapertorlugu pigisanut il.il. nalilinnut ataatsimut naatsorsuusiussallutik. Selskabinet imm. 3-im i taaneqartunut oqaaseqatigiit siulliat aatsaat ukiup aningaasarsiorfiusup 2001-ip naanerani atuutilersinneqassaaq.

Imm. 6. § 1, nr. 4 ukioq aningaasarsiorfiusoq 2002 aallarnerfigalugu atortuulissaq.

Namminersornerullutik Oqartussat, ulloq 12. november 2001.

Jonathan Motzfeldt

/

Josef Motzfeldt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut